

随園詩話 九




內閣文庫	函	冊	號	類
	三	九	六	漢書

漢書門	類	號	函	冊	架
	三	九	六	〇	〇

內閣文庫	
番號	漢 3960
冊數	10 (5)
函號	363 152

九



隨園詩話卷九

蘇齋先生書

白下布衣朱草衣少時有破樓僧打夕陽鍾之句因之

得名晚年無子卒後葬清涼山余為書清故詩人朱草

衣先生之墓勒石墳前余深水蒙見贈云盞為花縣

一江分來往惟攜兩袖雲待客酒從朝起設告天香每

夜來焚白慚龍尾非名士肯把猪肝累使君却喜循良

人說遍填渠塞巷盡傳聞郊外云亂鴉多在野深樹不

藏村與客夜集云羈身同海國歸夢各家鄉大觀亭云

隨園詩話卷九

蘇齋先生書

長江圍地白老樹隔朝清晚行云士人防虎門書字水
榭又魚樹有燈贈某侍御云朝罷宮袍多質庫時清諫
紙盡鈔書

隨園地曠多樹木夜中鳥啼甚異家人多怖之子讀王
荇亭進士平溝早發云怪禽聲類鬼暗樹影疑人先得
我心矣其他佳句如大星高出樹殘月細流溪月斜人
影忽在水風過秋聲正滿山滿帽黃花逢醉客一肩紅
葉識歸樵皆妙

湖州潘進士立亭名汝成詩宗韓杜五古尤佳偶成云

靜士難爲介靜女難爲媒嫁容靜女醜交面靜士羞盛
年易晚晚獨抱無驛郵桃李非我春蒲柳非我秋鶴老
心萬里鵬怒翼九州未免笑樊援豈屑伍喧啾揆春潤
章句摘卉膏吟哦非無蘭茗玩風騷旨已譌詩濤與詩
骨韓孟雨嵯峨昆體逮鐵體滔滔同一波金天削秀華
碧海鳴神鼉義色少姚佚吉詞無滯頰裊中南風手請
爲南風歌寥寥發古響羯鼓如予何潘宰直隸某縣以
迂緩故幾被劾矣適傅忠勇公平金川歸潘獻鏡歌公
大誇賞乃改爲卓薦

鮑進士之鍾字雅堂詩人步江之子詩有父風而清逸處往往突過前人秋兩乍晴云箬帽芒鞋準備秋稍晴便擬看山遊江潮八郭無三里溪水到門容一舟亭午白雲開野徑夕陽黃葉下僧樓閒身自笑如閒鶴欲度前峯却又休五言如一鳥掠溪鏡四山明畫簾魚跳重湖黑蒲喧急雨來七言如道心靜似山藏玉書味清于水養魚翻書細檢遺忘事撥火閒尋未過香岸柳帶鴉明遠照塔鈴和月語清宵皆可愛也雅堂常言作七古詩雅不喜一韻到底余深然其言顧寧人云詩轉韻方

活三百篇無不轉韻

秦中詩人楊子安鸞見訪適余外出歸後見貽一冊雪齋云寒瘦自性情苦吟工未能晚晴窻上日先曬視池水聞砧云滿院苔痕合重門樹影深

余宰江寧時所賞識諸生秦澗泉龔雲若徐長卿俱登科第而流落不偶者惟車靜研與沈瘦岑沈工古文不為詩車詩有可存者河南道中云三月春陽淡不濃老冰如石激寒風蹇驢覓路人家遠日暮山坳虎眼紅農家云築場如鏡草堆山遠屋黃花映碧潭閒倚茅簷看

客過南人北去北人南

寶應王孟亭太守爲樓村先生之孫丁卯見訪江寧携
胡牀坐門外俟主人請見乃已遂相得甚懽聘修江寧
志書朝夕過從嘗言樓村先生教人作詩以三山爲師
一香山一義山一遺山也有從子嵩高字少林少年侷
儻論詩不服乃伯而服隨園大梁懷古云搖落偏驚旅
客魂秋風回首眺中原三花樹色開神岳萬里河聲下
孟門形勝鬱盤終古在英雄慷慨幾人存信陵策士俱
黃土獨有侯生解報恩

揚州張哲士與蔣秋涇交好蔣尤自負作遊山一首程
魚門夸爲小謝勃然怒曰分明大謝何小之有留別哲
士云竟挂秋帆決計行關心天末倚閭情便歸只好留
三月浪跡無端已半生人世乘除蒼狗幻名山期許白
頭成殷勤相屬還相慰愁聽西風雁一聲哲士寄懷云
戀友心空切寧親去敢遲纔爲三夕別已是百回思避
日簾仍下追涼榻未移不知江上路秋暑可曾衰哲士
咏胭脂云南朝有并君王八北地無山婦女愁以此得
名人呼張胭脂

中州李竹門過隨園見贈云園在大朝山色裡一筇先
要問高臺碧梧葉響秋將至紅藕花香客正來其詩頗
清惜年甫三十而卒余愛其咏鞭云一事思量轉惆悵
不能行到祖生先郊外云山勢趁潮多北向人心如雁
只南飛

蕪湖施長春曼郎少年有衛叔寶之稱余宰江寧時秦
澗泉屢為致意云將渡江求見已而病亡有上塚歌云
白楊樹城東路野草萋萋葬人處挈榼提壺出郭行可
憐今日又清明富家塚高高傍嶺貧家塚低低亞畛塚

中貧富人不同一樣酒澆不能飲暝烟慘淡日西斜
榼提壺還返家一線陰風旋不定紙錢飛上棠梨花

吳門顧星橋進士詩才清冠等夷家有月滿樓藏書萬
卷海內知名之士無不交投縞紵予目為今之鄭當時
龍潭一律云微風緩緩送江聲最好龍潭道上行碧樹
數叢堪作障青山一半不知名閒情轉向塵中得幽景
偏宜客裏生晚覓茅齋投一宿花前試看酒旗輕進士

名宗泰

姚申甫方伯與沈永之觀察本中表親姚姊嫁沈二人

年少時與余同肄業書院每見方伯家遣僮擔盒供其
子壻二人同登鄉會科沈寄姚詩云辛勤二老訓喃喃
愛壻猶如愛長男甘脆每教常健飯苦吟猶記許分甘
沈殿試二甲第三姚二甲第二自後官壻沈必差姚一
級姚爲觀察沈爲太守沈爲觀察則姚爲方伯矣沈又
寄詩云平生每好居人後今日還應讓弟先余將赴廣
西金撫軍之聘姚賦詩相留曰就使將軍重揖客何如
南國有詞人後四十年姚竟巡撫廣西余寄書云不料
當日所謂將軍卽此時之閣下惜我不能來作揖客耳

承之在書院寄內詩云深院蝶嬌無語坐小園花嫩卷
簾看爲掌教楊文叔先生所賞

余在都時承之引見滿洲學士春臺春自云年三十時
目不識丁從一禪師靜坐三月頗以爲苦一夕提刀欲
殺禪師仰頭見月忽然有悟賦詩便工塞外云野水吞
人面青山甕馬聲浮雲連帽起殘雪帶鞭行殊雄偉公
愛承之與枚以爲兩少年必貴每至必留飲留宿遣妾
捧觴

桐城相公七十生辰余與諸翰林祝壽宴罷各賜詩扇

一柄詩寫田園雜興云不識風塵勞擾但知雲水盤桓
買畚偶來城市祀神一著衣冠小橋流水村近疎柳長
堤路斜車馬不聞叩戶鷄豚自識還家烟生茅屋雲白
雨過菱塘水新今歲秋田大稔稻苗高過行人竹屋正
臨流水槿籬曲繞閒亭此是吾廬本色被人偷作丹青
作苦最憐田婦布衣椎髻無華饑餉並攜稚子采桑不
摘閒花公終身富貴而詩能淡雅苦此

嚴公瑞龍作湖北布政使績漢上題襟集招諸詩人唱
和亦公卿雅事也傅辰三感春云恰恰春分二月半分

春妙手愛東君但愁過却花朝後一日春容減一分月
落參橫夜向晨半醺花意欲留人夜闌莫怯風吹袂爲
愛梅花不惜身大雨戲作云雨師一夕興淋漓筆尖亂
點西窗紙初猶落落蝌蚪分繼則盈盈垂露似須臾漫
漉一片濕直似秦碑沒字體殊有東坡風趣沈樹得落
花云飛燕蹴歸簾影裡遊魚吹起浪花中葉聲木送人
云吹酒涼風穿樹過破烟水月隔樓生

康熙壬寅余七歲受業於史玉瓚先生雍正丁未同八
學先生不甚作詩而得句殊雋偶成云好鳥鳴隨意幽

花落自然病中云廿年辛苦黔婁婦半世酸辛伯道兒終無子余爲葬于葛嶺

沈歸愚尚書晚年受 上知遇之隆從古詩人所未有作秀才時七夕悼亡云但有生離無死別果然天上勝人間落第咏昭君云無金贈延壽妾自誤平生深婉有味皆集中最出色詩六十七歲與余同入詞林紀 恩詩云許隨香案稱仙吏望見紅雲識 聖人

與余同薦鴻詞者有戶部主事尙庭楓號茶洋陝西人爲人跪誕不羈忽而結駟連騎忽而布衣藍襖賦詩有

奇氣如落花平地二尺厚芳草如天萬里青月華照樹有烏鵲雲氣上天如白羊皆警句也

余愛誦金壽門故人笑比庭中樹一日秋風一日疎之句杭董浦先生曰此句本唐人高蟾君恩秋後葉一日一疎不足爲壽門奇壽門佳句如佛烟聚處都成塔林雨吹來半雜花咏苔云細雨偏三月無人又一年乃真獨造余按古人佳句都有所本陳元孝池花對影落沙鳥帶聲飛本李羣玉沙鳥帶聲飛遠天梁藥亭龍虎片雲終玉漢詩書餘火竟燒秦倣唐人半夜素靈先與

楚一星遺火下燒秦楊誠齋不知落得幾多雪作盡北風無限聲傲唐人流到前溪無一語在山作得許多聲閨秀李金娥咏路上柳云折取一枝城裏去教人知道是春深湖州高氏小女有一聯云也知春色歸人早鄰女釵邊有杏花

相傳江寧南城外瑞相院後叢竹中爲馬湘蘭墓望江魯雁門題詩云槩飄難禁往來風未肯輸懷向狡童畫到蘭心留素素死依僧院示空空知音卓女情雖切薄倖王郎信未終一點憐才真意在青青竹節夕陽中絕

世英雄寄女糴荆家曾說十三娘年來文士動相擠始識伊人不可忘零露似熏香豈蕊百花想見繡衣裳平生除拜要離塚到此才焚一瓣香嚴侍讀冬友曰瑞相院前之墓少時亦誤以爲湘蘭後往訪之見題碣云新安貞女某氏之墓碑陰載爲某商人之妾商人不歸守貞而死以爲湘蘭有玷逝者矣陳楚筠製錦曾效長吉體爲詩証明其事云古釵耿耿蝕黃土千歲老蟾嘯秋雨蒼茫落日掩平坡風入黃蒿作人語新安山高江水迢卷施原不生倡條貞魂夜號月光曉兒童莫賦西陵

草
余過京口丹徒宰徐天球字天石貴州人見示詩集一
別之後遂永訣矣余愛其風箏一絕云誰向天邊認塞
鴻但憑一紙可騰空任他風信東西轉百丈游絲在掌
中

沈光祿子大許進士子遜二人齊名沈如竹光晨露滑
池靜夜泉生許如鐘聲涼引月江氣夕泥山真少陵也
行役絕句有相同者沈云惟有夢魂吹不斷月明猶自
逆風歸許云明月有情應識我年年相見在他鄉子遜

先生與余爲忘年交論詩尊唐黜宋失之太拘有某少
年故意抄宋詩之有聲調者試之先生誤以爲唐少年
大笑余贈云前生合是唐宮女不唱開元以後詩

松江王太守名祖庚與乃祖文恭公同日生故號生同
丁未進士終身以不入詞館爲恨兩子皆入翰林而先
生不樂也與彭芝庭尙書同出尹文端公門下有納涼
聞笛云碧空如水淨無雲斗轉參橫夜欲分長笛不知
何處起好風偏送此聞聞江梅片片傷春暮岸柳絲絲
緜夕暝曲罷無端倍惆悵階前涼露濕紛紛亦同余召

煙草驚句

試友也

學人之詩吾鄉除諸襄七汪韓門二公而外有程進士
諱灝字晴江者咏烟草五十韻警句云藉艾頻敲石圍
灰尙撥爐乍疑伶秉籥復效雁銜蘆墨飲三升盡烟騰
一縷孤似矛驚燄發如筆見花敷苦口成忠介焚心異
鬱紆穢驚苓草亂醉擬碧筩呼吻燥寧嫌渴唇津漸得
腴清禪參鼻觀沉滄潤隴胡幻訝吞刀並寒能舉口驅
餐霞方孰私厭火國非誣繞髻霧徐結盪胸霜盞鋪含
來思渺渺策去步于子典雅出色在韓慕廬先生烟草

詩之上又薄暮驟雨云黑雲鬱鬱西南來狂飈挾勢驚
奔雷夕陽倉卒收不及劃住半壁青天開句殊奇險
余自幼聞姨母章氏嫁非其偶時誦巧妻常伴拙夫眠
之句不知何人所作後閱謝在杭集方知故是謝詩其
詞曰痴漢偏騎駿馬走巧妻常伴拙夫眠世間多少不
平事不會作天莫作天

從弟鳳儀旅店云迎面有山皆客路問心無日不家鄉
呂柏岩有句云天果有涯行易盡家雖無路夢常通
余知江寧時和尹公通字韻云身如雨露村村到心似

玲瓏面面通史文靖公聞之笑曰畫出一个尹元長
長沙太守陳焱陝西人與余在蘇州花宴甚歡口號云
此地若教行樂死他生應不帶愁來未二年竟卒然他
生無愁亦可知矣

某公子感渴狹斜幾於得疾其父將笞之公子獻詩云
自憐病體輕於葉扶上金鞍馬不知父爲霽威所惑者
亦有句云朝朝梳洗臨江水一路芙蓉不敢開又曰世
間未有無情物蠟燭能痴酒亦酸

方敏恪公六十一歲生兒當八月十四日賦得子詩云

與翁同甲子添汝作中秋

余酒席歌場乘人闕捷之作多不載集中乙未二月避
生日於蘇州有舊識女校書任氏以扇索詩余題云隔
年相見倍關情樓上金燈樓下箏難得相逢好時節再
遲三日是清明小市長陵路狹斜當簷一樹碧桃花果
然六十非虛度半醉天台玉女家校書喜次日引余見
其第四妹妹亦持扇索詩余題云玉立長身窈窕姿相
逢從此惹相思雲翹更比雲英弱知是瑤臺第四枝若
非月姊通消息爭得元霜見少君一樣珍珠兩行字替

他題上藕絲裙嗣後任家姊妹逢能文之客必歌此四
章不落一字亦慧人也余初意慶六句欲做康對山集
名妓百人唱百年歌而不料稱觴之日僅得五人御史
蔣用菴同席後將往杭州留詩見贈云喜是尋芳到未
遲唐昌觀裏正花時芝蘭九畹春如許却讓芝房第一
枝謂芝仙校書風月東南屬主盟買花親自載花行未知桃
葉曾迎否先占揚州小杜名壽域歡場不易全介眉見
說有初筵分明一樣稱觴酒纖手扶來便欲仙館娃回
首夢虛無又掛風帆西子湖不識玉釵羅袖昨可曾聞

憶到狂夫余後四年再過蘇州任氏姊名翠筠者持舊
扇相示紙已破矣猶裝裹護持爲余唱曲余感其情再
題二絕云四年前贈扇頭詩多謝佳人好護持不是文
君才絕世相如琴曲有誰知爲儂重唱玉瓏玲嚙嚙鶯
聲繞畫屏一曲歌終人一世那堪頭白客中聽

蘇州太守孔南溪風骨冷峭權貴不敢以情干青樓金
菴仙以事挂法一時交好無能爲之道地乃遣人至白
下求余關說余與金甚疎僅半面耳竊念書中語倘不
佯爲親狎轉生孔之疑乃寄札云僕老矣三生杜牧萬

念俱空只花月因緣猶有狂奴故態今春到治下欲爲
尋春之舉而吳宮花草半屬虛名接席銜杯了無當意
惟女校書金某含睇宜笑故是矯矯於庸中遂同探梅
鄧尉而別刻下接蕭娘一紙道爲他事牽引就鞠黃堂
將有月缺花殘之恨其一切顛末自有令甲憑公以惠
文冠彈治之非僕所敢與聞只念此小妮子蕉葉有心
雖知捲雨而楊枝無力祇好隨風偶茵溷之悞投遂窮
民而無告似乎君家宣聖復生亦當在少者懷之之例
而必不以杖叩其脛也且此輩南迎北送何路不通何

不聽請於有力者之家而必遠求數千里外之空山一
叟可想見夫子之門墻壁立萬仞而非僕不足以替花
請命耶元微之詩云寄與東風好擡舉夜來曾有鳳凰
棲敬爲明公誦之孔得札後覆云鳳鳥曾棲之樹托擡
舉于東風惟有當作召公之甘棠勿剪勿伐而已二札
風傳一時未二年余又往蘇州過京口已解纜矣丹徒
徐令挽舟相留道妓戴三與太守淮樹章公司闖者狎
章知之逐闖人而不罪戴戴在城隍廟焚香還願一廟
謹然章怒其張揚嚴檄拘訊將使荷杖以徇徐婉求不

院園詩話卷九
聽乞余解圍余召見戴三則霧鬚風鬢春秋老矣然馬
骨千金不可以不援手也草札與太守云昔錢穆父刺
常州宴客將咎一妓妓哀請錢云得座上歐陽永叔一
詞故當貸汝歐公爲賦一闕遂釋之僕雖非永叔而公
則今之穆父也請爲二章以當小調詞曰東風吹散野
鴛鴦私熱神前一瓣香爲祝長官千萬福緣何翻惱長
官腸樊川行矣一帆斜那有情留子夜家只問千秋賢
太守可曾幾個斫桃花交書徐公卽挂帆還白下終不
得消息心殊惓惓半月後章寄函來開看只七字曰桃

花依舊笑東風

漢陽戴喻讓詩有奇氣出吾鄉陳星齋先生門下有臨
漳曲云暮雲深霸橋逝水天橫歌臺廢玉龍金鳳已千
年古瓦遺鐫銅雀字賣履分香兒女情讀書射獵英雄
氣如何橫槊對東風老年想作喬家壻末二句老瞞在
九泉亦當笑倒又咏雪云未添庾嶺三分白預借章臺
一月花

邵子湘作韻畧以江陽爲必不可通余讀史記龜策傳
韓昌黎此日足可惜及李翱祭韓公諸篇江陽皆通猶

以為彼固台東青庚而通之甚廣未足據也及讀岑嘉州陪狄員外早秋登府西樓一篇云常愛張儀樓西山正相當車馬隘百井里開盤三江此短篇五古也唐人用韻甚嚴何濫通乃爾因而廣考之方知子湘之陋尙書論道經邦變理陰陽戴記無服之喪以畜萬邦此六經通江陽之証也孔雀東南飛云東家第三郎窈窕世無雙樊毅西嶽碑云其德休明則有禎祥荒淫噪穢篤災必降柳敏碑云山陵元室建斯邦公不飭不凋隕履霜兮三國志楊戲蜀君臣贊云保據河江家破軍亡晉

語云二陸三張中興過江宋書大社之祝曰地德普施惠存無疆乃建大社以保萬邦漢紫玉歌云一日失雄三年感傷雖有衆鳥不為匹雙荀勗正德舞歌云煥炳其章光乎萬邦庚信柳遐墓銘云起茲禮數峻此戎章長離宛宛尉羽凌江吳越春秋河梁歌云諸侯怖懼皆恐惶聲傳海內威遠邦呂溫昭陵功臣贊云經綸八方晏海澄江李翰裴旻射虎贊云弧矢之說以威四方羣虎旣夷狄人來降此漢唐樂府通江陽之証也至宋諸大家尤不勝屈指



余作駢體文押曹丕丕字爲上聲爲人所嗤不知丕與不通又與負背通不止攀悲切也書曰是有丕子之責于天史記作負字索隱引鄭氏曰丕讀爲負石經尙書亦作負子惟今之韻書拈漉淺漏未經收拾沈存中笑香山押餽爲夫又笑杜牧之杜秋詩厭飫不能餽誤餽糖之餽作飲噉用不知杜牧之用餽字本東漢童謡餽我大豆烹芋魁又晉盛彥傳婢使齏糟炙餽之香山之押殍作平聲本唐韻敷字下收殍作撫俱切猶之今平韻不收糾字而稽康琴賦亦竟作平聲押也

玉臺新咏實國風之正宗然有不可學者如湘東王春日一句用兩新字鮑泉沈約有詩八首以五言一首爲題如秋衰悲落桐之類反覆千言殊覺可憎爲唐人試帖賦得題所自仿也

人無酒德而貪杯勺最爲可憎有某太守在隨園賞海棠醉後竟弛下衣溲於庭中余次曰寄詩戲之云客是當年夷射姑不教虎子挈花奴但驚羸者此陽也誰令軍中有布乎頭秃公然噴似屋心長空有腹如瓢平生雅抱時苗癖日縛衣冠射酒徒

年家子龔友青年好學來誦其白門小任云秋生黃葉
聲中兩人在清溪水上樓余爲嘆賞臨別忽向余正色
云友不好名先生切勿以友詩告人余雅不喜曰此子
矜情作態局面太小已而竟不永年

余哭鄂制府虛亭死節詩云男兒欲報君恩重死到沙
場是善終丙戌 天子南巡傳文忠公向莊滋圃新參
誦此二句曰我不料袁某才人竟有此心胸聞係公同
年我欲見之希轉告之余雖不能往謁而心中知己之
感惻惻不捨第念平生詩頗多公何以獨愛此二句後

公往緬甸受瘴得病歸薨方知一時感觸未嘗非徵云
鄂公拈香清涼山過隨園門外指示人曰風景殊佳恐
此中人必爲山林所誤有告余者余不解所謂後見宋
人題呂仙一絕曰覓官千里赴神京得遇鍾離蓋便傾
未必無心唐社稷金丹一粒誤先生方悟鄂公誤字之
意

宋劉子儀爲夏英公先得樞密乃咏堦子詩曰空呈厚
貌臨官道更有人從捷徑過 本朝朱草衣咏雪云正
愁前路迷樵徑先有人行路一條陳古漁看桃花云回

頭莫美人行處曾向行人行處來

同年李竹溪棠性誠慤而詩獨清超感懷云罷官便有
閒人集才老旋生後輩嫌得家書云急開翻惱緘封密
朗誦頻教句讀差其子燧年十歲時余命屬對水仙花
渠應聲曰羅漢松平仄雖不協而意境極佳遂大奇之
歸河間後見懷云韋司風味陶潛節野鶴閑雲伴此身
四海聲名雙管筆六朝花柳一家春鬚眉每向詩中見
函丈徧從夢裏親此日著書深幾許瓣香心事屬何人
未二句其自命亦不凡矣

杭州張有虔先生年九十三 皇上欽賜舉人余自幼

蒙提携故求其詩不得得其子名濟川號南臯生者微
雨云無聲著林木有色引葦苔欲雪云風號平野急雲

重暮山連

有人誦常州汪玉珩咏淚佳句云江干斑竹墻陰草盡
內紅水鏡裏潮余以為不如其第一首云商女含愁歌
一曲楚妃無語過三年更覺耐想又偶成云高閣對層
巒屋角烟蘿接山雨欲來時蕭蕭下黃葉
胡稚威云詩有來得去得存得之分來得者下筆便有

也去得者平正穩妥也存得者新鮮出色也
劉震寰與余論詩曰天分高之人其心必虛肯受人譏
彈余謂非獨詩也鐘鼓虛故受考笙竽虛故成音試看
諸葛武侯之集思廣益勤求啟誨此老是何等天分孔
子入太廟每事問顏子以能問于不能以多問于寡非
謙也天分高故心虛也

梁支莊公之兄啟心字守存入翰林後即乞歸養其子
山舟侍講亦早乞病使其弟敦書仕於朝一門家風如
此守存除夕約同人遊吳山不果乃寄詩云何堪歲盡

復遷延風約都為俗事牽多謝分吟留一席不妨屬租
待明年空山響答千門爆落日寒迷萬瓦烟相見諸公
高會處下方人指地行仙除夕云舊賜宮袍聊一著新
頒春帖懶重書晚過山菴云清依古佛原無夢老笑秋
蟲尚有絲山舟性不近婦人不宴客亦不赴人之宴惟
余還杭州則具華饌一主一賓相對而已故余寄懷云
一飯矜嚴常選客半生孤冷不宜花山舟有反遊仙云
漫說長生有秘傳餐芝絕粒幾經年登仙直是尋常事
鷄犬由來亦上天瑤林瓊樹生來有玉宇雲樓望裏深

上界不聞阿堵貴道人偏要煉黃金曾侍朝正三殿奉
遙瞻旌節下蓬萊如何一片飛鳧影也被人間網得回
賺他劉阮是何人畢竟迷樓莫當真我是天台狂道士
桃花多處急抽身擾擾蜉蝣奈若何寸田尺宅竟蹉跎
自從偷吃嵇康髓只覺胸中塊壘多

尹望山相公四督江南諸公子隨任未久多仕于朝惟
似村以秀才故不當差常侍膝下詩才清絕余駢體序
中已備言之猶記其訂余往過云清談相訂菊花期正
慰幽懷八夢時空谷傳書鴻雁至閒庭掃徑僕先知關

心尚憶他鄉客

時以詩寄三兄

因病翻添數首詩聞道芒鞋將

我過倚闌只恨月圓遲絢春園云莫喚池邊貪睡大隔
林恐有着花人乙酉別去庚子八月忽奉太夫人就燕
湖觀察兩峯之養重過隨園見和云迎人鷄犬閒如舊
滿架琴書賣欲無臨別云故人垂老別歸舫任風移退
一步來想斯遊本不期似村名慶蘭

無錫杜紫綸先生選叩彈集以晚唐爲宗同余召試誦
送春一聯云自是東風無著處本來西子有歸時真晚
唐也黃莘田亦云人自夸東晉詩惟愛晚唐

嘉禾徵士曹廷樞古謙與葛卜元同教習宗學葛北方人長于考據自負博雅而曹專工詞章二人不相能莫山蔣公滿洲世公各有所庇遂相參劾古人洛蜀之分皆由門下士起也曹詩自佳咏春雨云兩兩溪邊水鳥呼漸看檐際濕模糊憑欄花重紅疑滴隔座山橫翠欲無吟苦莫愁春冷淡病多偏穩睡工夫卷簾自愛虛無景未要瀟湘入畫圖

杭州柴南屏先生名謙作中書時和 聖祖冬至詩有雪花欲共梅花落春意還同臘意舒之句 聖祖謂有

翰苑才超陞御史余與其曾孫景高交元生年八十餘矣咏西湖云月出慣留歌舞席風生不送別離船

世有口頭俗句皆出名士集中世亂奴欺主時衰鬼弄人杜荀鶴詩也今朝有酒今朝醉明日無錢明日愁羅隱詩也一朝權在手便把令來行崔戎酒籌詩也閉門不管窻前月分付梅花白主張南宋陳隨隱自述其先人詩也大風吹倒梧桐樹自有旁人說短長宋人笑趙師宰欲附范文正公祠堂詩也晚飯少喫口活到九十九古樂府也見七修類稿所引難將一人手掩得天下目曹鄴

詩也易求無價寶難得有情郎女真蕙蘭詩也一舉首
 登龍虎榜十年身到鳳凰池張唐卿詩也平生不作皺
 眉事世上應無切齒人邵康節詩也兒孫自有兒孫福
 莫與兒孫作馬牛徐守信詩也是非只為多開口煩惱
 皆因強出頭自家掃去門前雪莫管他家瓦上霜並見
 事林廣記黃泉無客店今夜宿誰家見唐人逸詩
 河督姚小坡作別駕時以祭葬二字命題余宰江寧時
 無子咏祭云血食滿天下但看所樹恩羞將好魂魄飢
 飽仗兒孫

余作庶常時寓年家花園同年吳自堂與其兄飛池借
 寓園中飛池與吳女金娘有三生之約畏妻不敢聘金
 寄詩云殘淚未消和影拭舊書重展背人看詩既佳書
 法亦秀媚

雲間沈大成字學子皓首窮經多聞博學嘗見古廟有
 九原丈人之碑不知所出後閱十洲記始知乃海神司
 水者也因作九原丈人考一篇贈邵檀波云異昔勸後
 兼金重古硯磨多似白深即事云樓頭風定鐘初動湖
 上雲開舫漸行

浙中遂昌教諭王世芳字芝圃年一百十歲入都祝
太后萬壽賜翰林侍講銜還鄉陳太常星齋贈詩云華
皓何來雲水頭寵加新秩返扁舟酒錢未卜憑誰與壺
藥翻叨爲我投薄宦夢驚山北檝散仙行逐海東鷗獨
留佳話傳臺閣曾與耆英大父遊王面長尺許腰若植
籜自言少居鄉遭耿逆之變與諸妹豆棚閒坐一妹頭
忽不見蓋爲飛砲繫去也與第三子同來白髮飄蕭背
轉偃僂問其長子曰不幸天亡矣問天亡之年曰八十
五歲乾隆辛未 聖駕南巡有湖南湯老人來接 駕

年一百四十歲 皇上先賜匾額云花甲重周又賜云
古稀再度

余夏間惡蚊常誤批頰甚痛而蚊乃飛去偶讀葉聲木
譙蚊詩不覺大快詞曰虎狼偶食人人猶寢其皮獨怪
蚤蝨蚊嗜人甘如飴蟣蝨我自生自孽將怨誰蚤出塵
土間跳梁亦暫時爾蚊何爲者薨薨聲殷雷訂盟如點
將歃血遣伏飛聚昏更爲市利析秋毫微穿衣巧刺繡
中膚驚卓錐深入石飲羽潛侵劍切泥三伏涼夜好清
風吹滿懷時方愛露坐鳴鏑一聲來快憤自批頰悵望

空徘徊亦或中老拳磔裂穢渠魁無奈苦搔痒汗黏髮
瘡痍啾啾么麼蟲陰毒乃如斯長喙不擇肉呼吸若乳
兒怪底入夏瘦毛孔成漏卮安得通身手左右時交揮
葉諱誠錢塘孝廉

王安崑字平圃予少在都中與交好常宿其家見其題
尤貢甫墨竹云幾個琅玕幾點苔勝他五色筆花開分
明滿幅蕭蕭響似帶江南風雨來買竹云南郊過雨綠
生香底事勞人買竹忙我一出城君入市兩邊風味各
分嘗又送羅兩峯歸邗上兼示舍弟瘦生云別時冰雪

到時春萬樹寒梅耀眼新邂逅若逢江上客已歸須勸
未歸人

余宰沐陽有宦家女依祖母居私其甥陳某逃獲訊時
值六月跪烈日中汗雨下而膚理玉映陳貌寢以縫皮
爲業余念燕婉之求得此戚施殊不可解問女何供女
垂淚云一念之差玷辱先人自是前生宿孽其祖母怒
甚欲置之死余以卓茂語再三諭之答甥而以女交還
其家搜其篋有閨詞云蕉心死後猶全捲逆子生時便
倒合亦詩讖也隔數月聞被戚匪胡丰賣往山東矣子

至今惜之嘗爲人題畫冊云他生願作司香尉十萬金
鈴護落花

宰江寧時有南鄉錢貢甫之子某買張某妻陳氏爲妾
得價後屢詐不遂遂來控官余召訊之錢燒窰張爲其
採煉者也貌如石炭妻嫫然窈窕錢美少年能詩余意
天然佳耦欲配合之而格于例乃發官媒免其笞有役
某素黠探知官意密授錢計仍買歸焉錢故鄉居事過
後余不便再問消息後十餘年余遊牛首山路見鬻鬘
者率三嬰兒捧香伏地問何人曰錢某也年來妻亡扶

陳氏爲正室此三兒皆其所生某亦人上元學矣妻聞
公遊山命我來謝獻詩云酬恩兩個山村雀含著金環
沒處尋綠葉成陰滿枝子費公多少種花心

李笠翁詞曲尖巧人多輕之然其人足采者如送周
參戎之浦陽云儒將從來重君其髯絕倫三遷無喜色
百戰有完身灰裏求遺史刀邊活故人仙華名勝地細
柳正堪屯婆寧菴云誰引招提路隨雲上小峯飯依香
積煮衣倩衲僧縫鼓吹干林鳥波濤萬壑松楞嚴聽未
闌歸計且從容尤展成贈云十郎才調本無雙雙燕雙

鶯話小牕送客留髡休滅燭要看花影照銀缸

杭州姚君思勤黃君湘圃吳君錫麒八九人同作新年
百咏俱典雅而吳詩尤超門神云問爾侯門立能知深
幾重倪經培云爵封萬戶外秩滿一年中姚咏拜年云
履吉弓鞋換催粧歲燭然勝常稱再四利市乞團圓風
裘云面目爲誰槁心腸到底甜黃咏爆竹云買來還縮
手畢竟讓人工面鬼云一半頭銜用幾重顏甲生皆佳
句也金兩叔宗伯爲題辭云回首辭家十載餘詩鄉風
上夢華胥卷中重認新年景却認初來占籍居

清波雜誌載元祐間新正賀節有士持門狀遣僕代往
到門其人出迎僕云已說籠矣諺云脫籠者詐閃也溫
公聞之笑曰不誠之事原不可爲及前朝文衡山拜年
詩曰不求見面惟通謁名紙朝來滿敝廬我亦隨人投
數紙世情嫌簡不嫌虛可見賀節投虛帖宋朝不可明
朝不以爲非世風不古亦因年代而遞降焉

余有詩不入集中者嫌其少作未工也然終竟是爾時
一種光景棄之可惜乃追憶而錄之九歲咏盤香云空
梁無燕泥常落古佛傳燈影太孤十五歲咏懷云也堪

斬馬談方畧。還是騎牛讀漢書。題田古農賣書買劍圖。
云。丈夫窮後疑無路。猶有神仙作退步。舟行云。山雲猶
辨樹。江雨暗移春。咏柳云。新絲買得剛三月。舊雨吹來
似六朝。落花云。莫訝萬枝隨雨盡。須知一片自天來。無
題云。夢魂學蝶迎風舞。詩句焚灰和酒吞。在都中爲徐
相國耕籍應制云。水到公田龍脉轉。風翻仙仗杏花飛。
頗爲相公稱許。和金沛恩咏昭君紙鸞云。玉門春老恨
難忘。猶逐東風謁漢王。環珮影沉天漠北。琵琶聲在白
雲鄉。素絲解作留仙帶。細雨彈成墜馬妝。莫怪洛城多

紙貴畫圖終日對斜陽

丁卯冬。余宰江寧。以公事往揚州。阻風燕子磯。宏濟寺
僧默默年九十餘。導余遊山。并出西林桐城兩相國及
諸公卿詩相示。余亦贈四律。而別後。辛未南巡。默默接
駕。上問其年。奏曰一百二歲。上笑曰。和尚還有二
十年壽隨。賜紫衣默默謝。恩而出。乾隆二十年。竟
圖寂矣。友知。天語之成。憾也。高文定公贈以詩云。默
默僧年八十餘。麥塍猶愛荷春鋤。擡頭見客心先喜。款
坐烹茶意自如。千尺娑羅庭外樹。兩朝丞相壁間書。救

生舟送風帆穩利涉長江信不虛

陶貞白云仙人九障名居一焉余不幸負虛名丁丑過書肆見有作金陵懷古詩者姓王名顛客假余序文詩既不佳序亦相稱余一笑置之後三年再過書肆見清溪唱酬集一木載上海彭金度礪山汪元琛太倉畢瀧等共三十餘人前駢體序亦假我姓名詩序俱佳不能無訝因買歸示程魚門陳笑曰名之累人如此雖然如魚門之名求其一假尙未可得後十年集中王陸禔曹錫辰徐德諒范雲鵬四人都來相見而諸君子則終未

謀而姑錄數首以志暗中因緣范采菱曲云采蓮莫采菱菱角刺儂手采菱莫采蓮蓮心苦儂口刺手苦儂苦不深苦口兼欲苦儂心汪金陵雜詩云清江一曲鴨頭波相約滿裙踏淺莎雙槩月明桃葉渡但聞人語不聞

歌

王西莊光祿爲人作序云所謂詩人者非必其能吟詩也果能胸境超脫相對溫雅雖一字不識真詩人矣如其胸境齷齪相對塵俗雖終日咬文嚼字連篇累牘乃非詩人矣余愛其言深有得于詩之先者故錄之

丙辰余將赴廣西吾鄉有孔先生者年八十餘贈詩云
畫省聲裏推篷坐不是看山便讀書

張宮詹鵬翀受 今上知最深侍直乾清門方宣召而
張已歸 上以詩責之云傳宣學士爲吟詩勤政臨軒
未退時試問羔羊三首內幾曾此際許委蛇 命依韻
和呈聊當自訟張奉 旨呈詩 上喜賜以克食張進

謝 恩詩有溫語更欣天一笑翻教賜汝得便宜之句
後數日和 上柳絮詩託詞見意云空堦勻積似鋪霜
忽起因風上玉堂縱有別情供管領本無才思敢輕狂

散來欲着仍難起飛去如閒恰又忙剩有鬢絲堪比素
蜂黏雀啄底何妨嘲春風云封姨十八正當家墻角朱
旛弄影斜掃盡亂紅無與緒強將餘力管楊花先生咏
物詩尤爲獨絕如集中泥美人雁字粉團玉環諸題皆
能不脫不黏出人意表少時遊楚南太守張蒼厓懋贈
以序云好窮七澤之游勿遽吞吾雲夢試問郢中之客
誰能和汝陽春

康熙庚子常熟杜昌丁入藏過瀾滄百里其部落曰狃
綜有小女名倫幾卑聰慧明艷能通漢語昌丁來往屢

至其家見輒呼木瓜呀布木瓜者尊稱也呀布者猶言
好也彼此有情臨行以所挂戒珠作贈揮淚而別歸語
士大夫咸爲憮然沈子太先生作詩云狒狒小女年十
六生長胡鄉服胡服紅罽窄衫小垂手白氍貼地雙趺
足漢家天子撫窮邊門前節使紛蟬聯慧性早能通漢
語含情何處結微緣杜郎七尺青雲士仗劍辭家報知
已匹馬翩翩去復回暫借狒狒息行李解鞍入戶詫嬌
然萬里歸心一笑寬笑迎板屋藏春暖絮問游踪念夏
寒自言去日曾相見君自無心妾自憐妾心如月常臨

漢君意如雲欲返山私語閒將番字教烹茶知厭酪漿
羶兩意綢繆俄十日誰言十日是千年留君不任歸東
土恨無雙翼隨君舉聊解胸前瑪瑙珠將淚和珠親贈
與一珠一念是妾心百回不斷珠中縷塵起如烟馬如
電珠在君懷君不見黃河東流黑水西脉脉空懸情一

綫

郭暉遠寄家信誤封白紙妻荅詩曰碧紗窗下啟緘封
尺紙從頭徹尾空應是仙郎懷別恨憶人全在不言中
蘇州謝滄湄老于游幕爲淮關榷使年希堯之上客有

得意句云惟有鄉心消不得又隨一雁落江南每旅夜
高吟則聲泪俱下過惠山云路轉弓彎三里賒好風猶
趁半帆斜鶯聲滿店二泉酒春雨維舟一樹花白髮來
游嗟已晚青山如畫欲移家幾時來傍禪燈宿惠麓雲
中汲井華

徵士王載揚吟詩以對仗爲工有句云百五正逢寒食
節十千誰醉美人家愛余滕王閣詩阿房有焦土玉樓
無故釘一聯湖州徐階五先生贈沈椒園詩云詩派同
初白官情共軟紅以沈乃初白先生外孫故也王亦愛

而時時誦之徐知予於未遇時記其關山月一首云大
牙旗捲夕陽殘旋見城邊湧玉盤鼓角無聲霜氣肅山
河流影鏡光寒白頭漢將古星立紅淚胡姬倚馬看淨
掃烟塵天闕迥清輝多處是長安先生名以升雍正癸
卯翰林官臬使

興化鄭板橋作宰山東與余從未識面有誤傳余死者
板橋大哭以足踢地余聞而感焉後廿年與余相見于
盧雅兩席間板橋言天下雖大人才屈指不過數人余
故贈詩云聞死誤拋千點淚論才不覺九州寬板橋深

于時文玉畫詩非所長佳句云月來滿地水雲起一天
山五更上馬披風露曉月隨人出樹林奴藏去志神先
沮鶴有饑容羽不修皆可誦也板橋多外寵常言欲改
律文答臂為答背聞者笑之

戴雪村學士典試順天為忌者所傷落職家居其飲酒
如長鯨吸海卒以此成疾亾沅州立秋云沅州秋信悄
然生旅思無煩雁到驚月落尙餘山桂白露零先著海
棠清夢如蝶不離紋簟靜覺蛩都就畫楹愧是上方旬
日住禪觀曾未遣微情鎮遠云泉脉自來簷可接箒端

時噴雨旋傾只愁歸說人難信安得吟成更畫成

杜茶村為國初逸老人多重其五律余以為襲杜之
皮毛甚覺無味獨愛其咏海棠一句云全樹開成一朶

花

晁君誠詩小雨惜惜人不寐臥聽羸馬齒殘芻真靜中
妙竟也黃魯直學之云馬齒枯箕噎午夢誤驚風雨浪
翻江落筆太狠便無意致

隱仙菴道士周明先善琴能詩離隨園甚近年未五十
亡余錄其佳句云神仙樂事君知否只比人間多笑聲

竹間樓小窗三面山裡人稀樹四鄰壁琴風過聞天籟
香椀灰深裊篆烟雨中破壁蝸留篆醉後餘腥蟻起兵
又新筍成時向書長七字亦妙

姑蘇隱者殷如梅字羽調咏桃花云望去分明臨水岸
開殘容易逐楊花咏梅云自是歲寒松竹伴無心要占
百花先謝人惠佛手啟云數來千指屈伸總是無名看
去兩枝太小豈能垂手憎蚊云以啟其毛何堪供汝流
歡不濡其味亦且驚我虛聲

杭州多高士梁秋潭先生因從子詩正貴後遂不鄉試
取以官卷中故也垂釣云一溪新漲失前汀照見青山
處處青香餌自香魚不食釣竿只好立蜻蜓題采芝圖
云山間石上爛生光曾受青城道士方自採自餐還自
壽不來朝市說禎祥宋杏洲先生咏槐花云寄語世間
諸舉子不應才到此時忙周徵士西穆湖止云野鷗導
我有閒意新柳笑人成老夫施文學竹田湖心亭云六
時但有蘋風至五月來看梅雨晴

余讀漢書雅不喜董廣川而最喜賈太傅偶讀錢竹初
洛中懷古云南來莫再尋遺宅第一人才是賈生蘇州

薛皆山云一篇鵬賦離形相才子回頭是道人二詩皆推崇太傅實獲我心

余幼時遊西湖見酒樓號五柳居者壁上題詩甚多不久卽汚去惟西穆先生一首墨淋漓滴字寫爭坐位帖歷七八年如新酒樓主人及來遊者皆獲存之敬其爲名士故也題是冬日同樊榭放舟湖上念樂城赤鳧都已下世彌覺清遊之足重也分韻同作云一角西山雪未消鏡光清照赤闌橋小分寒影看梅色半入春痕是柳條閒裏安排塵外迹酒邊珍重故人招孤烟落日空

臺榭歲晚重來話寂寥後四十年余再至湖上則壁詩無存西穆樊榭久歸道山而酒樓主人亦不知名士爲何物矣惟陳莊壁上有蔣用菴侍御酬王夢樓招遊一首云六朝風物正妍和珍重烏篷載酒過一串歌球人似玉四圍鬢翠水微波狂夫興不隨年減舊雨情于失路多爭奈巖城宵漏急未知今夜月如何

五鄉詩有浙派好用替代字蓋始于宋人而成于厲樊榭宋人如水泥行郭索雲木叫鈞輶不過一蠅一鷓鴣耳歲暮蒼官能自保日高青女尙橫陳含風鴨綠鱗鱗

起弄日鷺黃裊裊垂不過松霜水柳四物而已瘦詞謎
語了無餘味樊榭在揚州馬秋玉家所見說部書多好
用僻典及零碎故事有類廢物異名疏清異錄二種董
竹枝云偷將冷字騙商人責之是也不知先生之詩佳
處全不在是嗣後學者遂以瓶爲軍持橋爲畧杓箬爲
挾提柶爲芮温提燈爲懸火風箱爲扇墮熨斗爲熱升
草履爲不借其他青奴黃奶紅友綠卿善哉吉了白甲
紅丁之類數之可盡味同嚼蠟余按世說郝隆爲桓温
南部參軍三月三日作詩曰矧隅躍清池桓問何物曰

魚也桓問何以作蠻語曰千里投公才得蠻部參軍那
得不作蠻語此用替代字之濫觴文選中詩以日爲耀
靈風爲商飈月爲蟾魄皆此類也唐陳子昂出始一洗
而空之

寶意先生恩同花上露留得不多時萬石坡相逢似春
雪一夜不能留元微之傷心落殘葉猶識合昏期三詩
意味相似

李穆堂先生詩以少作爲佳位尊後有率易之病予所
喜者皆其未第時及初入翰林之作東平州看杏花云

斷然斜日過東平楊柳風來葉葉輕莫爲春陰便惆悵
杏花如雪更分明落葉云寒來千樹薄秋盡一身輕卽
事云欲問春深淺桃花淡不言湯泉云漢井炎方熾周
京德肯涼日暮云鳥聲隔屋山初暗燈影當窗紙未溫
驛舖云短堞一空鷄絕唱敗槽百鬻馬無聲晚年不屑
爲此種詩亦不能爲此種詩

王阮亭尙書未遇時受知于先達某故詩集卷首卽錄
其所贈五古一篇用簫豪韻穆堂未遇時受知于阮亭
故哭阮亭五古一篇亦用蕭豪韻姜西溟哭徐健菴司

寇詩用張文昌哭昌黎韻想見古人聲應氣求後先推
挽之盛

吾鄉文學曹芝字荔帷以好名貧其家中年遽亡詩稿
甚富宿墮園見贈云蓬蒿年年靜掩扉好風吹上芰荷
衣青山一覺鶴同夢白髮滿頭花打圍肯與凡禽爭飲
啄果然天馬脫鞍鞵陶歸邴罷關何事出處如公世所
稀

丁丑春陳古愚袖詩一冊來告予曰得一詩人矣適黃
星岩在山中三人披讀乃常州董潮字東亭者所作也

其京口渡江云輕帆如葉下吳頭挽景蒼茫動客愁雲
淨蕪城山過雨江空瓜步雁橫秋鈴音幾處烟中寺燈
影誰家水上樓最是二分明月好玉簫聲裡宿揚州想
見其人個儻矣未闕邸抄知與香亭同中進士入詞館
予方喜相交之日正長不料散館後竟病卒余因思未
見其人先吟其詩而相慕者一爲蔣君士銓一爲陶君
元藻皆隔十餘年欣然握手惟董君則始終隔面渠未
必知冥冥中有此一知己也嗚呼

曹澹泉詩含雨花如抱恨人方子雲云何日花如暴富

人陳古愚云新綠樹如人少年三人調同而各妙
湖廣彭湘南廷梅與長沙陳恪敏公交好過隨園時年
已七十卽席賦詩有落日紅未盡遙山青欲來之句余
愛賞之在秦淮河口占云秦淮河畔亂沙汀芳草魂生
六代青春去雨中人不惜杜鵑啼與落花聽湘南畫小
像一叟坐室中旁有偷兒持斧穴洞而窺號竊比于我
老彭圖見者大笑秋夕宿憑虛閣云尋幽住此山秋聲
卽吾性一閣銜夕陽半江紅不定淡淡暮云低漠漠松
陰暝遙見隔林燈寒空生遠映

昔人稱王粲精思不能有加于宿構故拙速不如巧遲
此言是也然對客揮毫文不加點亦是樂事余平生所
見敏于詩者四人前輩中一爲宮詹張南華鵬翀一爲
學士周蘭坡長發同學中一爲侯夷門嘉縉一爲金進
士兆燕俱可以擊鉢聲終萬言倚馬乙丑予宰江寧侯
爲貳尹招之小飲侯卽席有龍蟠虎踞江山助壁合珠
聯文字交之句惜忘其全篇後得狂易之疾死鎮江黃
太守署中秦澗泉哭以詩云客傳京口訃音來無際愁
雲望不開妻子半船歸海嶠圖書千帙付蒿萊龍蛇應

有前生夢宇宙誰爲曠世才懊惱人天今異路新詩定
已滿泉臺又曰若使九原真及第勝教五斗戀微官
余散館出都走別南華先生先生取紙疾書送別云清
時重民牧臨御簡良才經述平生裕文章我輩推醉辭
鷓鴣侶吟向鳳凰臺民力東南急君其保障哉眷言桑
梓近鄭重惜分襟暫輟三都筆將聽五袴吟風流爲政
美愷悌人人深千里同明月相思寄好音

癸酉夏五周蘭坡潘筠軒兩學士同飲隨園見案上有
東坡詩擷之笑曰我卽用其佚池石韻序今日事可乎

閱詩言卷九
余曰幸甚磨墨申紙日影未移詩已畢矣日于章夏木
清一雨洗濃綠前月遊隨園林巒看未足北牖會晝眠
人銷邊韶腹雲開峯黛妍水長波紋蹙窗窸離市塵疎
狂狎樵牧恐費十千沽何曾再三賣榴火吐紅蕤林篁
削青玉老友中州歸陳入案前伏相約飲無何聯吟日
可卜爲愛好軒楹不辭屢徵逐絕類仲蔚園恍入子真
谷無酒君須謀有魚我所欲看鋤邵圃瓜敢顧周郎曲
劇喜天已晴莫訝客不速

棕亭在江氏秋聲館卽席和余四絕云坐對名山列綺

筵籬花爭艷暮秋天百年傳得詩人宅先把黃金鑄浪
仙近郭遙峯左右當帆檣歷歷遠天長女牆穿過疎林
外放出殘霞襯夕陽山腰倚石最伶俜矮作闌干曲作
屏選得雲根坐吹簫新聲分與萬家聽悲埽中酒眠波
斜一曲清歌過衆譁安得將身作么鳳香叢長伴刺桐
花

善寫容情者昔人詩如只因相見近轉致久無書近鄉
心更怯不敢問來人善寫別情者如可憐高處望猶見
故人車相看尙未遠不敢遽回舟

爲學心難足知君更掩扉項斯贈友詩也一點村前火
誰家未掩扉唐山人村行詩也兩押扉字均妙

桐城方貞觀雨塘有無意懷人偏入夢有心看月未常
圓之句人傳誦之其他如閨年入夏花猶在積雨逢晴
草怒生皆佳

詩有音節清脆如雪竹冰絲非人間凡響皆由天性使
然非關學問在唐則青蓮一人而溫飛卿繼之宋有楊
誠齋元有薩天錫明有高青邱本朝繼之者其惟黃
莘田乎

吳魯齊賢宰甘泉有惠政不幸無子四十而歿其詩稿
失散僅記其送友云遙知白髮相思苦馬上逢人便寄
書過洛陽云最美少年能挾策至今天子重書生衙齋
偶成云候吏解投山客刺奚童不掃印床花京江云揚
子江頭月正明夜深風露怯淒清鄰舟有客橫吹笛似
說故人離別情

偶見晚唐人辭某節度七律一首前四句云去違知己
住違親欲策羸驂屢逡巡萬里家山歸養志十年門館
受恩身請之一往情深必士君子中有至性者也恨不

5

四月初七夜雨竟
時膏雨蕭然
適齋

翻其
論
自能遇之

載以上惜不能記其全首與其姓名他日

